

ARQUITECTOS POLA ARQUITECTURA

Eleccións Maio-2007

CANDIDATURA A VOCALÍAS PARA XUNTA DE GOBERNO

Mediante esta candidatura a vocalía preténdese:

- **Non ser unha candidatura de oposición, senon de apoio e renovación.**
- **Crear un equipo de traballo no Colexio Oficial de Arquitectos de Galicia que represente, tamén, ao colectivo máis novo da profesión**
- **Plantexar e resolver as cuestións, problemas e situacións desde outro punto de vista, máis dinámico, máis actual.**

Claves do programa:

1.- Servizos aos arquitectos

Entendemos que os arquitectos, no seu exercicio profesional, teñen gran cantidade de problemas e atrancos para facer un traballo digno, e pensamos que, dende o colexio, pódese axudar a resolver algúns destes problemas.

2.- Relación entre o colectivo de arquitectos e a sociedade

Un dos camiños para mellorar as condicións de traballo dos arquitectos é actuar coa sociedade, dentro dela, de xeito que entendamos mellor as súas necesidades e poidamos actuar nos eidos nos que sexamos útiles á mesma, e amosar a capacidade do colectivo para dar servizo aos clientes e á sociedade no seu conxunto, entendendo así a figura do arquitecto, tamén, dentro do seu labor social.

1.- En servizo aos arquitectos:

Facilitar as relacións coas administracións coas que temos que ver, principalmente os Concellos, máis tamén, a Xunta, o Consorcio e outras, na medida das nosas competencias. Potenciar a cultura do Concurso. Potenciar a figura do arquitecto na xestión ordinaria dos Concellos e outras administracións

Potenciar a formación dos arquitectos nas cuestións de maior interese para o exercicio profesional nas distintas modalidades. Fomentar a relación e transvase de experiencia entre os distintos grupos de arquitectos, para facilitar, por exemplo, a aprendizaxe para uns e a xestión das novas normas e tecnoloxías para outros. A maior formación, maior conciencia e, polo tanto, máis transparencia e limpeza no exercicio da profesión.

Crear un foro de discusión e recollida de suxestións e queixas, directo, mediante reunións, e a través de internet, e abrir novos servizos en función do interese delas.

ARQUITECTOS POLA ARQUITECTURA

Incorporar mais arquitectos ó colexio, facilitando a súa participación no colexio establecendo unha nova modalidade de colexiación, que da dereito á información, á participación nos eventos culturais do Colexio, á participación nos cursos de formación mediante pago das taxas requiridas, e ao voto. A instauración deste sistema atrae máis arquitectos ao colexio e supón un maior peso do colectivo e unha maior relación coa realidade social da profesión.

2.- Na relación entre o colectivo de arquitectos e a sociedade:

Abrir o Colexio á sociedade, mediante a formación de opinión e criterio sen cortapisas, a creación de foros de traballo conxunto con distintos sectores sociais, dende administracións a veciños, utilizando as modernas ferramentas de comunicación ademais da publicidade institucional.

Potenciar as actividades de cariz cultural e a apertura do Colexio a outros colectivos de creadores. Facer o esforzo de transmitir a cultura, especialmente a arquitectónica á sociedade, sacando as actividades culturais aos espazos públicos, sen pecharnos no noso refuxio.

Potenciar, neste mesmo sentido, a imaxe positiva da profesión, e da utilidade real do arquitecto, explicitando o que este ofrece á sociedade, dende o punto de vista máis modernos, como a sustentabilidade aplicada ás propias vivendas, as formas modernas dos espazos e da vida neles, etc.

Neste apartado de relación coa sociedade, reiteramos a necesidade de potenciar a cultura do CONCURSO, non só nas administracións públicas, como Consorcio, Concello, Xunta, etc., máis nas empresas privadas de construción ou promotoras, cultivando a calidade dos xurados e a transparencia dos procesos, que é a que garante a xustiza nas decisións.

Ofrecer apoio aos Concellos para a organización de Concursos de Planeamento; así mesmo, marcar directrices que poidan ser utilizadas polos Concellos para a redacción de Planeamento coa máxima transparencia.

Dar ferramentas, mediante cursiños teóricos e prácticos, ao arquitecto para desenvolver mellor o seu traballo, de cara á súa relación con todo tipo de clientes.

Crear premios de arquitectura non só para os arquitectos, máis, tamén, para os promotores, construtores e calquera dos sectores que interveñen na creación de cidade e arquitectura e na relación destas co seu territorio.

Ademais, e sempre, ARQUITECTOS POLA ARQUITECTURA.

ARQUITECTOS POLA ARQUITECTURA